



Pulaar

Seese-seese

Tolno 2 Deftere 3

Édition 2018
Réimpression 2020



Avis de droit d'auteur : ©2016-2021 projet Sénégal Lecture Pour Tous pour l'Agence des États-Unis pour le développement international (USAID), contrat USAID n° AID-OAA-I-14-00055/AID-685-T0-16-00003, géré par Chemonics International. Tous droits réservés. Cette aide provient du peuple américain et est financée conjointement par l'USAID et le gouvernement du Sénégal.

Ce travail est disponible sous la licence Creative Commons Attribution 4.0 IGO licence (CC BY 4.0 IGO) <http://creativecommons.org/licenses/by/4.0/igo>. Sous cette licence, il est accordé le droit de copier, de distribuer, de diffuser et d'adapter ce travail y compris à des fins commerciales selon les conditions énoncées de la licence CC BY.

Loowdi deftere ndee

Mbeewa e Waandu	4
Bojel e Fowru.....	12
Nooroo e Ndillaan	20
Dadndu faabru e ndawu	28
Kulle wuro	36

Mbeewa e Waandu



Meedi wadde sahaa gooto.
Waandu ina nabbi dow lekki.
Mbeewa ina dura hudo les lekki kii.



Waandu tellii, dogi haa woddi, arti.
Nabbiti kadi, joodii e dow catal,
tiimi mbeewa.
Tan wiyi aan dey a waawaa arde
gaay.



Mbeewa wiyi mido yidi arde toon,
njeewten.
Kono mi waawaa ɳabbude.
Miin mido waawi noon yahde e leydi.



Waandu hebbitii wiyi ndaw ko
weebi.

Daro so mi gasnii ηaañaaade,
mi hollu maa.

Waandu ηaañii haa weltii, tellii,
hawri e mbeewa.



Ndu wiyi a yowat koyde yeeso dee
dow.
Koyde caggal dee ndewa heen.



Ko noon mbadirtaa haa ḷabbaa.
Yo koyde yeeso dee loggo dow lekki.
Koyde caggal dee keddo e leydi hee.



Be mbadiri noon haa woni laabi
didi.
Tan mbeewa wiyi mi tampii, kaaden
doo.



Waandu wiyi tinndingol men gasaani
tawo.

Mbeewa wiyi gasii tawde mi waawii.
Gila ndeen haa jooni yeeengol
mbeewa diggaani.

Bojel e Fowru



Meedi wadde sahaa gooto.
Bojel ina yaha e nder ladde ina
mijoo.
Fowru nana ara kañum ne, ko o
keyduđo.




Fowru yettii salmini Bojel.
Bojel salmitii e konngol dabbol.



Fowru wiyi, aan kam ko woni.
Ellee a anndaa kam.
Mbele neddo ina waawi nii.



Bojel wiyi ko mi durmaado.
Mi waawaa haalde dow.



Fowru wiyi kaalden seeda tan.
Ko mi keegaado, ko aan tan woni
doo.



Bojel wiyi ko wonnoo noon.
Tawde ko a keydudo, beyi nana
ngalaa gaynaako.



Fowru wiyi ko nii neddo wadata.
Aan ada anndi ko neene maa yidi.
Fowru dogi tan naatiri noon e sefre
beyi.



Beyi laawii tan, gaynaako yiyi
Fowru.

Rubi haa badii Fowru, ndu dogi,
ndu rutti.

Mi dañatno hiraande moyyere,
kono mi debii maayde.

Nooroo e Ndillaan



Won ko meedi wadde sahaa gooto.
Nooroo ina wondi e Ndillaan takko
wuro subalbe.



Weendu noon yoogete ñande kala.
Subaka haa kikiide, Ndillaan wonata
ko dow lekki.



Ñande kala rewbe yoogat e weendu
nduu.
Kala ko joli tan, Nooroo haalanee.



Nooro sukka noppi, saloo nande.
Gaynaako nana ara yarnude nayi
mum.



Gaynaako ina sunnoo haa yiyi
nooroo.
O fibi haalande Jaaltaabe so weetii.



Nde o ari tan, o salmini Jaaltaabe.
Oon salmitii mo, tawi ina wondi e
fitina.



Gaynaako wiyi baaba simmin am.
Mi yiiji too nooroo mawdo e nder
weendu.
Oon wiyi dum so weetii janngo,
kolloyaa mi.



Subaka law Jaaltaabe findini
gaynaako yo be njahdu.
Gaynaako holli mo nooroo.
O wiyi yah, woto tawe ko Jaaltaabe
waddetee.

Dadndu faabru e ndawu



Meedii wadde paabaa ina yaha haa
hawri e ndawu.
Ndawu wiyi dum leelaani yaawaani
ko njahataa.




Paabaa jaabtii wiyi leelaani
yaawaani dey dadat maa.
Ndawu wiyi a haalii ko wel maa.



Paabaa wiyi jooni laaba so ada
suusi.

Ndawu wiyi a yiyii ko hulbini mi.



Paabaa wiyi so ñalawma hannde oo
artii laaba.
Ndawu wiyi so laabii maa a anndu.
Ñalawma dadndu nanngaa, gooto
kala heblii.



Paabaa yahi to mawdo paabi.
O wiyi dum wonde o haaldii e
Ndawu.
Ndawu wiyii dum yaawaani leelaani.



Paabaa ne wiyi Ndawu ko miin dadat
maa.

Be nanngii ñalawma mo be mbadata
dadndu oo.

Kono omo anndi kay ndawu dadata
mo.



Mawdo paabi dey yi, wiyi yah hoot
haa ndeen.

Mawdo paabi noddi paabi fof.

O wiyi faabru kala yo daro les lekkel.

YETTORDE



Ndawu e Faabru pini subaka, ndawri
dadndu.


Ndawu dogi haa tampi, tee paabaa
diraani nii.

Tawi paabaa kañum fewjidii e
koreeji mum.

Kulle wuro




Dum ko mbaalu, famda dille heewa
meelaali.
Kala kawrudo e mum tan dowat.




Mbeewa ne ko kañum woni debbo
heewa bojji.

Suusaa nanngal, etee kala jiddo
sirlu yo reento.


Kala nde kodo naati galle ko e
makko fayetee.



Ullundu ne nani, heewa doydi,
famda nafoore.
Ndu reenaani aadi hakkunde mum e
joom mum.




Gertogal ne, kañum woni mo
yonaaka ko tiimi.
Yidi tan ko sarde, dewal laaba boowal,
tunwa suudu.



Na'i ngarii, dī kine kecce gallaadi
joordi.

Kañnji ngoni mbela kosam metta
ngaynaaka.

Do dī ngoni fof, mbeefeegu ñalla
waala.



Puccu woni ko buri horsude e kulle
wuro.

Kañum dañi neheede wadanee
huddu e gafakke gawri.

Lootee, yahnee, siñkee, ñande kala
habbee yooda.



Dum ko tukkal, ngaari ngelooba,
goral juuta koyde.
Suusa domka, yaawra yolnde,
mo suusaa maayo.



Baa ne woni gorbal, goral juuta
noppi.

Suusa yakkuru, siftoree e donngal.
Rimnda ko teddi, rimta, riddee,
yaltinee galle.

